

Bingzciengz, gou gig gyaec lienh ndangdaej, lumjbaenz youq gwnzgiuz diuqcag, youq ranz dik yienq, youq caujiangz dwk yijmauzgiuz……Gou moix ngoenz cungj lumj duz mbungqmbaj ityiengh, vaiqlag mbin bae mbin dauq.

Miz ngoenz ndeu, daxboh daiq gou bae gvangjcanz guhcaemz. Gwnz gvangjcanz vunz caen lai ha!

Gou daeujaengz gizdieg lienh ndangdaej, couh sikhaek bae benz suenggangq, gou youq gwnz suenggangq bi bae bi dauq, baeg le naengh youq gwnz suenggangq yawj funggingj. Yaep ndeu, gou yawjraen bangxhenz miz dangangq, couh siengj daj suenggangq diuq hwnj gwnz dangangq bae. Hoeng, baez mbouj siujsim, gou couh daj gwnz dangangq doek roengzdaeuj lo. Gou gamjdaengz da va, yaek ngunh gvaq bae lo. Daxboh fuz gou hwnjdaeuj

Guhcaemz

玩耍

贵港市覃塘区蒙公乡高占小学三年级 詹媚媚

cam: “Baenzlawz yienghneix mbouj siujsim? Laemx in lwi?” Gou gaenq singj lo, dap naeuz: “Mbouj in.” Gizaed gou gig in, Hoeng, gou mbouj gamj gangj, byawz heuh gou lienh ak ha?

Gou naengh yaep he, youh cang guh mbouj miz saeh ityiengh dauqcawq langqlangh haujai nanz, cij haengj caeuq daxboh baema.

Ma daengz ranz, din gou gig in,

gou haeuj rug bae gven dou, duet vaq baez yawj, fatyienh gwnz bangxga baihsuix miz gaiq fod hung ndeu. Danghnaeuz deng daxmeh raen le itdingh sim'in, baezlaeng couh mbouj hawj gou gag bae rog guhcaemz lo. Baenzlawz guh ne? Gou caegcaeg dawz gij sieng lwnh hawj daxbuz nyi, daxbuz sim'in dwk raemxda yaek doek roengzdaeuj, de naeuz: “Yungh laeujcing swiq ndaej gemj in, lij ndaej

siu foeg.” Daxbuz cat laeujcing hawj gou, gou gamjdaengz liengzsisi, ndei haujai lo. Mbouj geij ngoenz, gij sieng couh ndei lo.

Vah bouxlaux gangj: Deng hit baez ndeu, couh rox lai di saeh ndeu. Daj baezhaenx hwnj, gou couh rox laeujcing baenzlawz yungh lo, hix mbouj gamj caiq luenh bae saj dangangq lo. Gou hag rox le ancienz bae guhcaemz. (指导老师:覃珍团)



Gojgaeq Rumz

风的故事

武鸣县仙湖镇中桥小学六(1)班 黄雅兰

Daswyenz dwg geijlai gyaec-ndei ha, guh daswyenz ndawde boux ndeu, gou—rumz, yaek bae yawjyawj daswyenz geizheih, lij aeu daiq vaiqvued hawj daswyenz.

Seizcin daeuj lo, gou mup gij heiq cin, daeuj daengz ndaw suenva. Gou angqvauvau caeuq gyoengq baengzyoux doxdongx: “Va dahcej, mwngz ndei! Mwngz baenzneix rongh'oiq, baenzneix gyaecunde, lij fat ok heiqhom. Faex daxgoeng, mwngz ndei! Mwngz youh did ok ngaz moq lo, youh daiq swngghih daeuj hawj daswyenz lo.” Gyoengqde hix angq dwk dap gou naeuz: “Rumz dahnuengx, mwngz guhhek lai lo, deng lo, mwngz yawj gou cungj nienzgeij hung lo, mwngz lij gangj gou baenzneix ndei.” “Gou cij dwg gangj vahcaen hane. Ndei lo, gou yaek bae gizwnq lo, menhyouq nw.” Gangj sat, gou daiq gij heiq homva daengz gak aen gungx daswyenz bae.

Seizcin gig vaiq gvaqbae lo, seizhah yaek daeuj lo, gou youh daeuj daengz gwnz diegnywj. Diegnywj youq laj nditndat hwnqfwgfwg. Hoeng lij miz vunz youq gwnz diegnywj hwnqfwgfwg neix gwih max buet. Gou daeuj daengz henz ndang duz max ndeu, “max daeggo, mwngz youq laj ndit baenz haenq lij buenx boux cawj buet, caen ak ha!” Gou boiqfug dwk gangj. Max daeggo ajngaeb dwk doiq gou naeuz: “Neix mbouj miz gijmaz, gou ciengzseiz buenx bouxcawj buet, gaenq gvenq lo.” “Hawj gou bang mwngz beiz liengz mbat he ba!” Gangj sat, gou couh baenq youq seiqhenz max daeggo, hawj de mbouj gamjdaengz hwnq lai.

Gig vaiq, seizhah hix gvaqbae lo,

seizcou daeuj lo. Mbat neix gou daeuj daengz rog ndoi, baenz benq baenz benq haeuxnaz bienqbaenz le saek henjgim, gou daj gwnz gyaec gyoengqde byaij gvaq, gyoengqde couh angqvauvau dwk diuqfoux hwnjdaeuj, moix go haeux cungj diuq, baenz cien baenz fanh go itheij diuq, lij miz duzroeg cici caca ciengq go buenx gyoengqde. Ndaw suenmak, mak cungj baenz lo, gou daengz henz godauz, doiq gomakdauz naeuz: “Makdauz daegnuengx, mwngz ndei! Mwngz naengnoh hoengzoiq, yawj hwnjdaeuj gig ronghlwenq, lij fat ok heiqhom diemzsubsub.” “Rumz dahcej, mwngz haenx daengz gou najnyaenq lo.” Gou youh youq ndaw suenmak baenq hob ndeu, yienzhaeuh youh bae lingh dieg lo.

Mbouj geij nanz, seizcou gvaqbae lo, seizdoeng daeuj lo. Gou daeujaengz ndaw luegbya. Gwnz faex cungj cw miz caengz nae he, najraemx raemxmbaq hix giet caengz naehang lo, roeg cungj mbin daengz diegraeuj bae lo, daengx luegbya cungj caemrwrwg, yawj gvaqbae hausaksak. Nae yied doek yied hung, gou dongx vanae dahcej: “Vanae dahcej, mwngz ndei! Mwngz ngaecundang hausak, yiengh ndang gyaecunde, youq gyangmbwn diuq-foux, caen lumj dahsien gyaecunde.” Vanae dahcej najnyaenq dwk gangj: “Mbouj law, gou mbouj miz mwngz gangj baenzneix ndei law.” Gyoengqraeuz youq ndaw vuenheij doxgangj dohgvaq aen seizdoeng neix lo.

A! Daswyenz, mwngz caen gyaecunde raixcaix! Gou lij aeu laeb-daeb yawj gij gyaecunde mwngz.

(指导老师:潘文清)

“Baez Daih'it” Gag Youq Ranz Gvaq Haemh

第一次自己在家过夜

贵港市覃塘区蒙公乡高占小学六年级 雷雨宸

Bouxbox cungj miz haujai baez daih'it, lumjbaenz baez daih'it cawjngaiz, baez daih'it byaij loh-laep, baez daih'it hwnjdaiz byauj-yen-j……Hoeng seizseiz heux youq ndaw sim gou dwg baez daih'it gag youq ranz gvaq haemh.

Seiziq, gou ninz seiz cungj miz bohmeuh buenx, hoeng baez-haenx……

Haenx dwg haemh rumz haenq fwn raq ndeu, daxmeh bae ranz daxdaiq lij caengz dauqma, daxboh youh deng baengzyoux heuh bae gangigoi. Daxboh byaij seiz daengq gou: “Dahlwg, yaephe mwngz aeu gvai ha, ninz caeux di, daxboh mbouj geijlai nanz couh dauqma lo.” Mbouj caj gou han, daxboh couh gven dou hung okbae lo. Gou gag naengh youq gwnz eij yawj densi, sim diuqbubbub. Bingzseiz, ciengzciengz dingq lwgsai gangj gojgaeq duzfangz, seizneix gij dwglau haenx mbouj dingz dwk nyoengx haeuj ndaw uk gou, gou sim diuq gig yougaenj, yied daeuj yied lau, “banglang” yiengj sing hung ndeu, gou deng hwk dwk ngwngh bae baenz buenqngoenz, yenzlaiz dwg byajraez ha, gou ganjgip dawz sing densi diuh daengz “40”, yienzhaeuh daemh gwnz dieg daemh ndaej gig yiengj bae, gou laihnaeuz

yienghneix goemq ndaej gvaq gij dwglau ndaw sim gou, hoeng, neix cungj mbouj miz yungh, ndaw sim gou caen lumj cib haj aen doengj diuq raemx——Caet hwnj bet roengz ha! Baihrog congghueng rumz gwj ci gwj rengz, fwn gwj doek gwj haenq. Gou ndaw sim siengj: Dwg mbouj dwg caen miz duzfangz dahraix ne? Gou wnggai baenzlawz guh ne? Song cik ga gou youz mbouj ndaej saenzdedded hwnj-daeuj, mbouj rox daj gyawz miz geu rengz daeuj, hawj gou maenh heiq doiq swheij naeuz: “Gwnzbiengz gaenbonj mbouj miz duzfangz, caiq gangj gou youh mbouj guh gvaq gijmaz saeh rwix, duzfangz baenzlawz rox daeuj ra gou ne?” Gou doq gag nambded, doq byaij ma ndaw rug gou. Gou gven daeng yaek laeujninz, fatyienh aen seiqgyaiq yaepyet mbouj miz lo, iet fwnghz mbouj raen lwgfwngz, gou fwt dwk youh hai daeng, ndaw rug yaepyet youh rongh lo, gou cij soeng gaemz heiq ndeu. Gou ninz youq gwnz congz, dawz gak denz gaem ndaetndaet bae, lij dawz gyaec moek haeuj ndaw fan denz. Baihrog byajraez byajmyab doxgyaux, “banglang” yiengj sing hung ndeu, saenq rwz yaek nuk, cieq dwk ndaw rug laepngaungau, dingz dienh lo. Gou ndaw sim mbouj duenh naeuz swheij: Mbouj lau, itdingh aeu dwk hingz haemhlaep、fwnraq、duz-fangz……Ciemhciemh dwk, gou baeg lo, gou laep lwgda ninzdaek bae lo, hawj bouxwnq bae nauh ba! Youq ndaw fangzhwnz loq, gou raen swheij majhung lo……

Baezlaeng, gou caiq hix mbouj lau gag youq ranz gvaq haemh lo. Gou lij rox gwnz seiqgyaiq yenzlaiz mbouj miz duzfangz, cij aeu mwngz mbeihung, caemdingh, cij ndaej dwk hingz laepngau, cieq daeuj nditrongh. (指导老师:陈彩仙)

